



Шочмо эл, порылык да чын верч!

Будь готов /

9-ше (3657) №,
2024 ий 1 март,
кугарня.



МДЕ ЛИЙ

1933 ий 1 февраль годсек лектеш.

Сай шокталте гармонетым!



Ансамбль-влак
коклаште Гран-прим Рес-
публикысе марий тۇвыра
рүдерын «Падыраш» йоча фоль-
клор ансамбльже (снимкыште)
сеген налын.

Иошкар-Олаште В.И.Ле-
нин лүмеш тۇвыра
полатыште эртаралтше «Изи
гармоньчо» гала-концертыш-
ке Башкортостан Республик,
Виче кундем да Марий Элын
түрлө районжо гыч самырык
гармоньчо-влак ушненыт.
Пайрем моткоч веселан
эрген. Икшыве-шамычын
семүзгар дене шокталтен
муралтымышт чоныш поснак
шынген. Сценыште самырык
тукымын усталыкшым он-
чен, тۇвыра аланыште
шонанпыл волгалтме гай
чучын. Тугеже ончыкылык-
лан ұшан уло.

Пайремыш Оршанке район
Кугунур ял гыч кум ийым
эртыше йочат эсогыл ушнен.
Рома ден ачаже Александр
Марков ончаш толшо калы-
кын кумылжым чотак
ылыжтеныт. Кужэнер посёл-
ко гыч Петуховмыт еш
сылне номер дене куандарен.



9-10 ияш-влак
икымше верыш лекше
Ростислав Васинкин
(Марий Турек, Арбор).

Сеңгыше-влак радамыш
тыгак **Макар Бусыгин**
(И.С.Палантай лүмеш тۇвы-
ра да сымыктыш колледж
пеленысе йоча сымыктыш
школ), **Богдан Тымбаршев**
(И.С.Палантай лүмеш тۇвы-



Гармоньчо-солист-влак
коклаште Гран-прим сеген
налше Иван Петраев
(Пошкырт, Калтаса, Амзибаш).

ра да сымыктыш колледжын
Калыкле сымыктыш гимна-
зийже), **Игнатий Гордеев**
(Параньга, Ермучаш), **Мак-**
сим Михайлов (Марий
Турек, Арбор) лектыныт.
З.ТИМОФЕЕВА.

Р.НИКОЛАЕВАН фотожо-влак.

Сылнымут пайрем

«Казаков лудмаш» районысо конкурс ий еда эр таралтеш. Тений Морко районнын 100 ияш лүмгечыжлан пөлеклалтын. Таңасымашке түрлө школ гыч 46 икшыве ушнен. Эгерсола школна гыч Мария Николаева почеламутым лудмаште икымше лийын, а Даша Зорина прозым эн сылнын каласкален. Кугурак ийготан-влак коклаште Виктория Краснова прозым лудмаште кокымшо верыш лектын. София Ефимова почеламутым сылнын ойлен, кумшо верым сенен налын. Мый шке возымо сылнымутем дене кумшо верыш лектынам. Ончыкыжымат школнан чапшым кўшнő кучаш тўналына.



Фотом школ архив гыч налме.

почеламутым лудмаште икымше лийын, а Даша Зорина прозым эн сылнын каласкален. Кугурак ийготан-влак коклаште Виктория Краснова прозым лудмаште кокымшо верыш лектын. София Ефимова почеламутым сылнын ойлен, кумшо верым сенен налын. Мый шке возымо сылнымутем дене кумшо верыш лектынам. Ончыкыжымат школнан чапшым кўшнő кучаш тўналына.


Ксения БУТЕНИНА.

Морко, Эгерсола.

Снимкыште: сенгышыш лекше ўдыр-влак.

Историйым шергалына

1799 ий 3 мартыште адмирал Фёдор Фёдорович Ушаковын вуйлатыме руш эскадр Корфу орым (Греций) сеҗен налын.



Пайдале вашлиймаш

Токтарсола кундем гыч 13 рвезе Афганистан мландыште шке порысшым шуктен. Кызытсе жаплан вич сарзе кодын. Ме нунын дене вашлиймашым кажне ийын эртарена. Теният ты кечым чон вургыж вученна. Нунылан түрлө йодышым

ямдыленна. Пагалыме землякна-шамыч спорт дене пенгыде кылым кучаш, сайын тунемаш, кугуракым жаплаш тыланеныт. Пырля погынен, шарныктыш воктеке пеледышым пыштенна.

Родион НЕБОГАТИКОВ.

У Торьял, Токтарсола.

«Зарнице» ушен

Шочмо элым аралышын кечыже вашеш школыштына «Зарнице» спорт модмаш эртаралтын (**снимкыште**). Ме, 6-9-ше класслаште тунемше-влак, чолгалык ден писылыкнам ончыктенна. Танасымаш түрлө этап гыч шоген. Гранатым



Фотом школ архив гыч налме.

кышкенна, нушкынна, лум ўмбалне пўрдынна... Индешымше классыште тунемше-шамыч икымше верым сенен налынна. Йўлаш пурышо «Зарнице» умбакыжат ўдыр-рвезе-влакым иквереш ушыжо.

Дмитрий МАМАЕВ.
Кужэнгер, Йўледўр.

Российысе увер

Кумылан-влак

«Первые ласточки»

тўнямбал конкурсыш онлайн ушнен кертыт.

Пашам да йодмашым

8 март марте колтыман.

Тўрыс увер –

fest-konkurs.com сайтыште.

3-14 ияш ўдыр-рвезе-влак, «С супер-мамой мы уже изучаем ПДД» всероссийский сўрет конкурсыш ушныза.

Пашада-влакым

26 март марте

@konkurs.pdd.@fond-eduk-ina.ru адрес дене электрон почтыш колтыза.

Устан мурен да куштен моштышо самырык тукумлан «**Большая сцена**» тўнямбал мурсем фестиваль эртаралтеш. **bigstage.pro** сайтыште конкурсыш ушнаш йодмашым **1 март гыч** пуаш лиеш.

Марий Элысе увер

Йоча-влаклан

«**Ўярня**» республикысе пайрем **21 мартыште Морко район Унчо ялыште** эртаралтеш. Йодмашым

4 март марте **mari**

centr_konkurs@mail.ru

адрес дене электрон

почтыш колтыман.

Марий Эл

Республикысе «**Эр вий**» СДПО «**Мыйын еш архивем**» республикысе конкурсым увертарен. Тений Еш идалыклан пөлеклалтеш. Районышто сенгыше еш-влак апрель мучаште Йошкар-Олаште танасаш тўналыт.

23 мартыште

Юлтех кугыжаныш университет кугурак класслаште тунемше-влаклан

«**Мой первый шаг в науку**» шанче-туныктыш форумым эртара. Йодмашым **22 март марте** колтыман. Тўрыс увер – **volgatech.net** сайтыште.

Немда кундеммыш - унала

26 февральште «Ямде лий» ден «Кугарня» газет редакцийлан пашаенгыштын корнышт У Торъял район Немда кундеммыш виктаралте. Ты кундемыште ятыр уста ег шочын-кушкын. Нунын коклаште – артист, драматург, мурызо...

Ончыч мемнам Немда кыдалаш школышто вашлийыч. Тачысе кечылан тушто 60 наре йоча уло. Журналист-влак, тўналтыш класлаште тунемше-шамыч дене иквереш погынен, газетын пашаж дене палдарышна, йоча-влакклан викториным эртарышна (**снимкыште**). Ёдыр-рвезе-шамыч, ёрын шогыде, вожылде, марла сылнын почеламутым каласкалышт. Ёшаныме шуэш, нунын кокла гыч шукынжо талантан землякышт семынак кундеммыштым чапландараш тўналыт.



Школ деч тораште огыл «Радуга» йочасад верланен. Тушкат пурен лекде, чонна ышчыте. Пурывеке, пырдыжым сорастарыше марий тўр-влак вигак шинчалан пернышт. «Тугеже тыште марий шўлыш озалана» шонымаш кумылым нёлтале. Марий тувырым чийыше икшыве-шамыч (**снимкыште**) поснак куандарышт. Икте ёрыктарыш, Немда ялшотан илемыш 14 ял пура, но йочасадыш 9 йоча веле коштеш. Туге гынат, пашаен-влак чот тыршат, марий шўлышан мероприятийым, уста ег-шамыч дене вашлиймашым чўчкыдын эртарат.

В.МАМАЕВА.
Авторын фотожо-влак.



Сугыньлан тауштена

Школыштына сарзе-патриот паша месячник эрталтын. Тўрлۆ мероприятийлан поян лийын. «Совет Армиин ветеранже-влак» мероприятийыште кодшо курымын 70-ше ийлаштыже армийыште служитлыше-шамыч дене вашлийышна. В.А.Шестаков Казахстаныште, В.И.Никитин Оренбургышто, А.Н.Мамаев Североморскышто порысыштым шуктымышт нерген каласкаленыт. Тўрлۆ национальностян рвезе-влак дене келшен, ваш-ваш полшен илымышт нерген ойленыт. Шочмо элым аралаш изинек ямдылалташ кўлмө нерген ушештареныт. Ме, тунемше-шамыч, нунылан мурым пөлекленна.

Анжелина ЧУЛКОВА.
У Торъял, Кузнец.

Чон моторлык – эрык илыш.
З.ДУДИНА.

Сем тўняште

«Муро, муро, тый от лий гын, мо дене илыш сора?» – ойлат калыкыште. Ты шонымаш дене мыят келшем. Ик кечымат сылне сем деч посна ом эрtare. Телефонышто келшыше мурым муын, шўжарем дене пырля куштена, видеом войзена. Кресавамат мурылан шўман. Тудын дене «Семым пале» модыш дене модына. Умша дене семым черет дене луктына. Вашмутым коктынат пеш писын муына. Пашам ыштыме годымат муро полша.

Алина СУББОТИНА.

2-шо номеран Морко школ.

«Юзо тасма»

Тыгай лўман клуб ялысе книгагудо пелен пашам ышта. Тудым С.В.Моторова вуйлата. Клубышто йоча-влак тўрлۆ тўсан тасмала гыч мотор кидпаша-шамычым ышташ тунемыт. Шочмо элым аралышын кечыже вашеш Светлана Вячеславовна «Шке кид дене ыштыме пөлек» мастер-классым эртарен. Тунемше-влак лишыл енгышлан пайрем пөлекым ямдыленыт (**снимкыште**). Изи, но чонеш логалше.

Э.СТЕПАНОВА.
Советский, Михайловка.



Фотом школ архив гыч налме.



Тукым улына Уныкам

Теле. Тымык. Пеш ояр.
Нералтен колтен пүртүс.
Кече век ончал – пожар.
Лум йўла – шортнянше тўс.

Ошо-ошо – мо тыгай?
Укшыжат, тўнжат уке.
Тиде вет тудак шога –
Нарашта изи куэ.

Вуй гыч ўлыкө шумеш
Ош фатаже йылгыжеш.
Тудым кө тўкаш тоштеш?
Тыманмеш тугай лиеш.

Уныкамлан пеш келшен,
Кидшым укш дек шуялтен.
Тунамак пөршан поран
Вуй йоткеже петыра.

Кушто, кушто уныкам?
Лум йымач йўк йонгалтеш:
– Мый Лумўдырак улам? –
Чытырен, пўй вошт йодеш.

Чылт Лумўдырак улат,
Мыланна тыгай кўлат:
Эныж гае чуриян,
Шокшо, поро кумылан.
Н.ЗОЛОТАРЁВ.
Кужэгер, Ёштымбал.



Тунеммаште – вий

Виктория Петрова (снимкыште) Морко район Унчо кыдалаш школышто 11-ше классыште тунемеш. Тений марий йылме да литератур денне регион-влак кокласе олимпиадыште марий литератур денне кумшо верым сенген налын. «Шочмо йылмым палаш да пагалаш мыйым ача ден авам изи годсек шўманденыт. Школышто кугу тўткышым туньктышына Римма Николаевна Петрова ойыра. Шочмо йылме – тиде ик эн кугу поянык. Тудо тукым гыч тукымыш куснен толеш да эре сылнештеш. Шочмо йылмым сайын палет гын, вес йылмым куштылгын тунемаш лиеш.» – ойла чолга ўдыр.

З.ВИСВИС.
Фотом МарГУ-н «ВКонтакте» соцкылысе
тўшкаж гыч налме.

Калык шўмыштö ила

27 февральыште Советский район Кодам школышто поэт-фронтовик Василий Рожкинын шочмыжлан 110 ий темме лўмеш сылнымут пайрем эртаралтын (снимкыште). Тушко районысо шkolла гыч йоча-шамыч да туньктышо-влак погыненыт. Марий йылмым шочмо да кугыжаныш йылме семын тунемше-шамыч коклаште почеламутым сылнын лудмым жюри аклен.



Авторын фотожо.

1-4-ше класслаште шинчымашым погышо-шамыч коклаште Виктория Кудрявцева (Кужмара), Данил Репин (Орша) икымше верыш лектыныт. Анастасия Алембаева (Кужмара), Виолетта Трифонова (Кельмаксола), Алина Ягодарова (Ронго) 5-8-ше класслаште тунемше-влак коклаште сененыт. Дана Актанаева (Кельмаксола), Ксения Мамаева (Советский посёлкысо 3-шо номеран школ) кугурак ийготан-влак коклаште икымше

Усталык мом гына ок ыште,
Уш-акыл мом гына шонен ок му.
М.КАЗАКОВ.

верым сенген налыныт.

Муро номинацийыште жюри икымше верым Аделина Полушина (Орша) ден Татьяна Корольлан (Ронго) пуэн.

Марий йылмым да литературым туньктышо-влаклан самырык тукымым шочмо сылнымутым палаш да аклаш шўмандымыштлан тауштена. Ончыкыжымат тыгай мероприятий-шамыч эртаралтыт да ўдыр-рвезе-влакым иквереш погат манын ўшанена.

З.ТИМОФЕЕВА.

Муро гай

Элыштына тўрлө калык ила. Кажныжын шочмо йылмыже уло. Ме марий улына. Марла ойлена, шке йылмына дене кугешнена. Тудо, ава шөр дене толшо, ныжылге, шыма, чылт муро гай. Уроклаште марий серызе-влакын почеламут ден ойлымашыштым лудына, лончылена. Тўрлө мероприятийыш чолган ушнена. Школ книгагудышто «Ямде лий» газет ден «Кече-Солнышко» журналым лудына. Редакциялашке серыш-влакым возкалена. Шочмо йылмынам ава гай йоратена да пагалена. Тудым уло кумылын тунемына.

**2-шо «А» классыште тунемше-влак.
Звенигово, Чакмарий.**

Порын шарнена

Ила гын, 4 мартыште Волжский район Сотнур школын туныктышо-ветеранже А.А.Сапаев (**снимкыште**) 70 ийым тема ыле. Но ыле манын каласаш гына кодеш... Тудо ўмыржō мучко Волжский районсо Ярамарий, Руш Шайра, Нурмучаш Шайра, Сотнур школлаште пашам ыштен. Марий йылме ден литературым, ИКН предметым туныктен. Йоча-влакым сылнымут пашалан кумылан ден, юнкор кружокым вўден. «Ямде лий», «Марий Эл», «Кугарня» газетла да «Ончыко», «Кече-Солнышко» журналла дене шкежат, юнкоржо-шамычат кылым

кученыт. Нине савыктыш-влакым шаркалы-маште кугу полышым пуэн. А н а т о л и й Александрович тунемшыже-шамычым тўрлō конкурсышко ушен. Почеламутым сылнын лудмо тагасымаште чўчкыдын сеныше радамыште лийыныт. Шкежат лудшо семын вийжым терген, ятыр гана ойыртемалтын. Сулен налме канышыш лекмекыжат, школ паша деч корангын огыл. Кугу Корамас, Сотнур школлаште «Сылнымут сес-



Фотом еш архив гыч налме.

кем» кружокым вўден. Сотнур черке пеленысе Рушарня школышко йоча-влакым шўман ден, чонышкышт порылыкым шынгарен. Тудын поро пашаже калык чонеш поро шарнымашым кода.

И.САПАЕВ.

Волжский район.

Йолташна - сеныше

У Торъял районсо школлаште тунемше-влак «Слава тебе, Победитель – солдат!» почеламутым сылнын лудмо конкурсышто усталыкыштым тергеныт. Кузнеч школ гыч куд йоча ушнен. Почеламутым лудаш да тудын почеш сўретым кельштараш кўлын. Мыят мастарлыкем тергенам, шуко ум пален налынам. Йолташна Анжелина Чулкова кокымшо верым сенен налын. Тудын дене кугешнена.



Вероника МАМАЕВА.

У Торъял, Кузнеч.



Фотом еш архив гыч налме.

Шочмо йылме


Школыштына шочмо йылме пайремым эрта-рышна. Ме почеламутым марла лудна, марий мурым мурышна, тошто марий модыш дене модна. «Соқыр тага» модыш поснак келшыш. Пайремлан авак-кована-влак марий кочкышым ямдыленыт. Мый подкогылым кондеам (**снимкыште**). Марий кочкыш пеш тамле. Ме шочмо марий йылме дене сайын кутырена. Марий йылме урокыш куанен коштына.

Алина АЛЕКСАНДРОВА.
Советский, Шуарсола.

Кроссворд

Ушан ойын авторжым палыза. Шола гыч пурлашке:

1. Мер калык яклака йылманым ок йōрате. 3. Калык йылмат лудымо. 8. Шочмо йылме – пўрымашлан негыз. 10. Марийын сай, поро ойым пуымыжо шуэш гын, тоштыен 2. мутшо уло... 11. Шке калыкетым от йōрате гын, вес калыкым 3. кунам шотлет?



Кўшычын ўлыкō:

2. О мўкшава гай поро шочмо йылме! 3. Йылме – айдемын шўм кумыл ден вийже. 4. Йōратыза шочмо йылмым, тудым ѳрканыде тунемза. 5. Йоча дене эн ончыч шке шочмо йылмыж дене мутланыман... 6. Йылман гын калык, ок лий тулык. 7. Йылме пеледышым пого... 9. Тунемза шуқырак йылмым...

В.СМИРНОВ ямдылен.
Морко район.



Ныл йолан йолташна

Пырысем

Мыйын уло пырысем,
Тудым пеш чот йоратем.
Вачий лұмым пуэнам,
Коти пеш келша мылам.
Тудын капше сур тўсан,
Қуанен пырля модам.
Веселан йыр тўрштылеш,
Мый декем вара толеш.

Анна ИВАНОВА.

Морко, Коркатово.

Пийын пиалже

Илен улмаш пинеге. Тудым озаже-влак изиж годым пеш йоратеныт. Сайын пукшенит, модыныт. Но икана тудым сурт гыч луктын колтеныт. Тидын деч вара пинеге уремыште илаш тўналын. Молан тудым йоратымым чарненыт? Пинеге умылен огыл. Шке семынже ойгырен, йўсланен. Поро чонан ен-влак тудлан у ешым муын пуэныт. Кызыт тудо кугу да мотор пий лийын. У озаж дене қуанен ила.

София ПЕТУХОВА.

Кужэгер, Шўдымарий.

Писе да ушан



Мемнан Рекс пийна уло. Тудо пеш писе да ушан. Суртышко еным огеш пурто. «Ам-ам-ам», – веле шокта. Мый ныл йолан йолташем дене модаш йоратем. Кенежым йўштылаш пырля коштына.

Александр ВЛАДИМИРОВ.


Морко, Купсола.

Крепыш

Мый пинегемлан Крепыш лұмым пуэнам. Тудо шем тўсан, а ик чапаже ошо. Крепыш модаш, кочкаш да малаш йората. Тудо чыла умыла. Канде шинчаж дене айдеме гай онча. Мылам йокрок лиеш гын, Крепыш кумылем нўлта. Ме мечым поктыл модаш эн чот йоратена. Крепыш – мыйын йолташем.

Софья БАСОВА.

У Торьял, Тошто Торьял.



Пырыслан малыме верыш миен шуаш полшыза.

Шапыште – «Конёк-горбунок»

Кажне айдемын пўрымашыже тўрлў. Янлык ден волькынат тыгак. Уремыште шала коштшо, шужышо але эмганыше пырысым, пийым ужмеке, чон йўсў дене тудым кидыш налын, шокшо помышыш ондалме да пукшымо шуэш. Теве Медведево район Кугу Шап алыште верланыше «Конёк-горбунок» музей-фермыште кажне вольк да янлык неле пўрымашан. Но поро кумылан, ныл йолан йолташ-влакым изинек йўратыше М.В.Суворова кажныжлан кокымшо илышым пўлеклен. 20 ий наре ончыч лишыл енге-шамычын полшымышт дене имне-влакым ончаш тўналын. Кок ий ончыч пелашыж дене пырля Кугу Шапыште музей-фермым почыныт. Тушто имным, тунам, шорыкым, казам, ирсўнам, пинегым да кролик-шамычым ужаш лиеш. Волькыкым оза-влак шкешт кычалыт але, нунылан ўшанен, иктаж-кў конден пуа, темлыме почешат налыт. Ончаш толшо-шамычым кугу верблюд ўрыктара (снимкыште).

– *Верблюдым, чома дене вашталтен, Ярославль кундем гыч конденна. Тудо*



шокшо велыште илыше янлык. Но мемнан фермыште уло урлык 40 градус йўштў ден 40 градус шокшо марте шкенжым сайын шижеш. Йўдым верблюд моло семынак вўташте ила, кечывал кечын чылашт дене пырля жапым уремыште эртара, – ойла Мария Владимировна. – Пелашем – мыйын тўн эртышем, тудлан кугу таум ойлем.

«Конёк-горбунок» музей-фермым кучышын шонымашыже шуко. Тек чыла шукталтеш. А кумылан-влак, тушко миен, кажне чонаным ниялтен да пукшен кергыт.

В.МАМАЕВА.

Авторын фотожо.

Шемпоч

Пырысем онай моткоч,
Тўрштылеш чоан йол гоч.
Нимыяр огеш камвоч,
Кугешнем, мотор Шемпоч!

Надежда ВЯТКИНА.

Кужэгер посёлко.



Софья ВЯТКИНА сўретше.
1-ше номеран Кужэгер школ.

Школышто – театр

Курыкмари драме театр дене кылна пенгыде. Шукерте огыл ты театрын коллективше тўналгыш класслаште тунемше-влаклан «Морозко» спектакльым ончыктен. Артист-шамыч школышкак толыныт! Йоча-влак нунын дене пырля тургыжланеныт, куаненыт, воштылыныт. Тўн геройын образше гоч тунемше-шамыч эше ик гана умыленыт: порылык осалым эре сена! Спектакль чылалан келшен.

1-ше «Б» классыште тунемше-влак. Звенигово, Чакмарий.



Фотом еш архив гыч налме.

Кол ончерыште

Снежана акам дене Йошкар-Олаш экскурсий дене мийыдем поро шарнымышым коден. Эн чот кол ончер келшен. Тушто тўрлө колым ужнынам **(снимкыште)**. Иктыже весыж деч мотор да ойыртемалтше. Южыжо тўжвал сынже дене шучкын койын. Аквариумышто, кол-влакым ончымеке, нунын нерген уверым интернетыште лудынам. Шуко ум да онайым пален налынам. Эн чот гурами кол келшен. Тудо Суматра, Борнел да Ява отролаште ила. Ты кол кудкандаш шагат вўд деч посна илен кертеш.

Антон МАМАЕВ.

Кужэнгер, Йўледўр.

Айста модына

Муным оптым кугу картон атым налза. Кажне ячейкыш 1 гыч 30 числа марте возыза. Мишеньым кўварыш пыштыза. Туддеч кок метр умбакырак палым ыштыза. Йоча-влак пале тура гыч мишеньыш теннис мечым почела кышкышаш улыт. Могай числам возымо тураш логалеш, тунар очком налеш. Кў шуқырак пога – тудо сена.

Электротулым аныклена



Холодильникым конга, батарей, шокшо вер воктеке ида верагде.

Калык пале

- Телым лум кўжгө гын, кужу шошым вучыман.
- Леvedыш тўр ий кужун шуйналтын кеча – шошо йўштө лиеш да кужун шуйна.

6 март – платын кечыже.

Палаш онай

XIX курым марте изи ўдыр ден рвезым ик семын чиктеныт.

Йоча модылан тўналгышым модельер Жанна Ланвен ыштен. Тудо ўдыржылан тўрлө вургемым урген да сорастарен.

Сўретым чиялтыза.



МАРИЙ ЭЛ РЕСПУБЛИКАСЫ ТҮВЫРА. ПЕЧАТЬ ДА КАЛЫК-ВЛАКЫН ПАШАШ ШОТЫШТО МИНИСТЕРСТЫМ

ШОШО		МАРТ	
1	18:00	ЮМЫНЎДЫР /Дичь Вова	М. Пурман, С. Валеев
2	18:00	БАВАЙ /Ы	Ю. Труфанов
3	18:00	АВА КАПИТАЛ /Материальный капитал	Э. Мухометов
6	18:00	ГАМЛЕТ. МАШИНА. ЦЕМЕНТ	У. Шаманов, Ф. Шаманов
7	18:00	ТОРЕШВАТЕ /Украинские стрелы	У. Шаманов
9	18:00	КЕНЕЖ ЙЎД /Пелем пале	М. Пурман
10	18:00	УШ ЙОММЕШ ЙЎРАТЫМАШ /Вышла да котыры кышты	В. Кудряков
13	18:00	НЫЛ КУВАЛАН ИК СУАН /Выкларе бабам эауэ	Ф. Шаманов
14	18:00	СПАСТИ КАМЕР-ЮНКЕРА ПУШКИНА	М. Пурман
16	18:00	КО КҰЧЕМ ПЎРТЫЛТА? /Сугурова	А. Шаманов
20	18:00	СПАСТИ КАМЕР-ЮНКЕРА ПУШКИНА	М. Пурман
21	18:00	ШИЙ ПАМПАЛЧЕ /Серебряная Пампалче	Э. Демис, С. Валеев
23	18:00	ОСКАР И РОЗОВАЯ ДАМА	М. Пурман
24	18:00	КЕНЕЖ ЙЎД /Пелем пале	М. Пурман
30	18:00	МУКШ ОТАР /Пелем	С. Валеев
ДЛЯ ДЕТЕЙ И ИХ РОДИТЕЛЕЙ			
3	11:00	ЛУЧШЕЕ ЛЕКАРСТВО ОТ ЗЛОБИ	М. Пурман
10	11:00	ВОЖДЬ КРАСНОКОЖИХ /Композитор для детей	О. Шаманов
17	11:00	СНЕГУРКА /Легендосок комедия	А. Шаманов
23	11:00	СЕРЕБРЯНАЯ ПАМПАЛЧЕ /Мелодия	Э. Демис, С. Валеев

Телерадиоканалынын кудыгына... МАРИЙ ЭЛ РЕСПУБЛИКАСЫ ТҮВЫРА. ПЕЧАТЬ ДА КАЛЫК-ВЛАКЫН ПАШАШ ШОТЫШТО МИНИСТЕРСТЫМ. Рекламе.

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз.
Заказ
Формат – А-4-8.

УЧРЕДИТЕЛЬ-ВЛАК:
Марий Эл Республикысе Тўвара, печать да калык-влакын пашаш шотышто министерстве, Марий Эл Республикысе «Марий Эл» увер агентстве» КАУ.

Газетым Кыл, информационный технологий да массовой коммуникаций сферым эскериме шотышто федеральный службун Юл кундем федеральный округысо управленийыштыже регистрироватлыме.
Номер – ПИ № ТУ52-01404,
2023 ий 22 сентябрьыште пуымо.

0+

Печатьыш пуымо жап – 14-00, фактически – 13-00

Авторын да редакцийын шонымышыт тўрлө лийын кертыт. Серыш-влак мўнгеш огыт колталт. Ак – кутырен келшыме почеш.

Редакций да издатель: **Марий Эл Республикысе «Марий Эл»**

увер агентстве» КАУ. Директор – **Е.И.КУЗНЕЦОВ.**
Редакцийн да издательнын адресше: 424006, Йошкар-Ола, СССР Вооружённый Вийын 70-ше идалькыш урем, 20-шо порт.Тел. 8(8362) 45-22-82.

https://vk.com/yamde_lii
<https://t.me/yamedelii>
yamde_lii@mail.ru
yamedelii@mediamari.ru
(автор-влаклан)
Сайтын адресше: yamdelii.ru

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем,112.

Теле
каныш

КОНКУРС




Александр ВЛАДИМИРОВ.
Морко, Кугу Шале.



Александра, Валерия, Артём
ВЕТКИНМЫТ.
Медведево посёлко.



Максим НИКОНОВ.
Йошкар-Ола.



Знак олмеш буква-влакым
шындыза да туштым
палыза.

	x		=	?
	x		=	?
	x		=	?
	x		=	?
	x		=	?

Емыж-саска олмеш
числа-влакым шындыза
да шотлыза.

2 3 6 8 9

Кум яшлыкыште кампет-ке-влак кият. Икымшышке кокымшо да кумшо яшлыкла деч куд килограммлан шагалрак пыштыме. А кокымшышко - 10 килограммлан шагалрак. Кумшо яшлыкыште мыняр килограмм кампетке лийын?



Вика ЧЕГАЕВАН сүретше.
Йошкар-Ола, Семёновка селасе
21-ше номеран школ.

Тушто

- ◆ Кыргыз кугуза шүдө тумышан упшым упшалын.
- ◆ Пörтыштö - нылыт, түнö - кандаше.

Носки радамым чын
чиялтыза.



Могай
ужашым
шынды-
ман!



– Ёдыр-рве-зе-влак, ой-лончым тёт-кын колыштса: «Йыра-гыште кешыр, ковышта, шоган кушкыт». Тиде предложенийыште мом уждыда?
– Пакчасаскам! – Сану кидым нöлтен кычкыра.

Судуку

7		2	5	8	3
	3	2	7		4
		4	8		7
			9	7	6
1					8
4	2	7	8		
6	9		5	2	
	7		8	6	5
3	1	7	4		2